

ւորութիւն ունի կապել մի բանի շատ օգտակար և ցանկալի ձեռնարկութիւններ:

Կլամպագէիք, որ պ. Ղուկասեանը շատ հետևողներ ունենար հայութեան մէջ:

Դիւս ա. Բաե. Աղանեանց

ՆԵՐՍԻՍԵԱՆ ՀՈԳԵՒՈՐ ԴՊՐՈՑԻ 75 ԱՄԵԱԿԸ

Ինչպէս վաղօրօք ծանուցուած էր լրագիրներում՝ անցեալ մայիսի 21-ին տօնուեցաւ Ներսիսեան Դպրոցի 75 ամեայ գոյութեան տարեդարձը:

Դպրոցի բակը զարդարուած էր ամեն կերպ. Շուրջը կախուած էին Օգոստ. Կայսեր, Ներսէս Յի և յաջորդ կաթողիկոսների ու Դպրոցի մի քանի բարերարների պատկերները: Իսկ վահանները վրայ դրուած էին Դպրոցի երկու երկու հին տեսուչների եւ երեք բարերարների անունները: Ներկայ էր բաւական բազմութիւն:

Հանգէսի սկզբում թեմիս բարձր սրբազան Առաջնորդ Տ. Դէորդ Արքեպիսկոպոսը հոգեւորական դասի հետ հոգեհանգիստ կատարեց Դպրոցի հիմնադրի՝ Ներսէս Յ. Հայրապետի համար, որից յետ անմիջապէս Տ. Դէորդ Սրբազանը հանգէսը բացեց մի գեղեցիկ ճառով, որի մէջ բնաբան առնելով այն, թէ ինչպէս Յիսուս մի քանի հացով ու ձկնով հազարաւորներ կերակրեց՝ ցոյց տուեց որ նոյնպէս էլ Ներսէս կաթողիկոսը ոչնչից այգւղիսի մի մեծ հաստատութիւն ստեղծեց հայազգի չքաւոր մանուկների համար:

Նրդեցիկ խումբը պ. Մ. Նքմալեանի ղեկավարութեամբ երգեց Կայսերական հիմնը, Այնուհետեւ հոգաբարձու պ. Քաւանթարը կարդաց Ազգիս Վեհ. Հայրապետի սրբատառ կոնդակը, որ, ինչպէս եւ հիմնը լսեցին ոտքի կանգնած. Նորին Օծութիւնը օրհնելով երջ. Հիմնադրի յիշատակն՝ այդ կոնդակով պատուիրում էր հոգաբարձութեան. ա) հինգ որդեգիր նշանակել Դպրոցում, Կիլիկիայի, Աղթամարի, Պարսկաստանի, Ուտիացոց աշխարհի եւ Զէրքէզահայոց վիճակներից, որոնք ուսումնաւարտելուց յետ գնան իրանց հայրենիք եւ հոգեւորականներ լինին. բ) ի նկատի առնել Դպրոցի այժմեան ուսուցիչներից նոցա, որոնք 25 տարի ծառայել են ուսուցչութեամբ թէ՛ Ներսիսեան եւ թէ՛ այլ դպրոցներում, եւ գ) տեսչին եւ ուսուցիչներին տալ միանուագ պարգև ի պատիւ հանդիսին:

Դպրոցի տեսուչ պ. Բալաղեանը կարդաց Ուսումնական

մասի զարգացման գլխավոր մոմենտները Ներս. Դպրոցում-
ճառը. իսկ այնուհետեւ սկսուեց ուղերձների ու շնորհաւորա-
կան հեռագիրների ընթերցումը:

«Այս արատւի խմբագիրը Հ. Գարեգին վարդապետը Մայր-
Աթոռի ձեմարանի հ. տեսչի եւ ուսուցչաց կողմից կարգաց-
հետեւեալ ուղերձը.

Տոշորուած աներակ Հայրենեաց սիրով՝
Յաւերով քեզ երկնեց վեհ Հոգին, ծաղկո՛ց.
Եւ վերածնութեան ոսկի յոյսերով
Փայփայեց քեզ, սիրեց կաթոգին, ծաղկո՛ց:
Եւ ինչպէս մի հեռու ճրագ ովկիանում
Վհատած նաւորդին ցամաք է հանում,
Նոյնպէս դու ամայի մեր անդաստանում
Ծունչ տուիր, սիրտ տուիր ամենքին, ծաղկո՛ց:
Գարնանային բուրմունքով Լցրիւ հայ աշխարհ,
Կենսատու զօրութեան նոր աղբիւր դարձար.
Եւ անմահ թող փառքի արեւը պայծառ
Զո գլխին միշտ շողայ խնդագին, ծաղկոց:

(Յ. Յովհաննիսեան)

Վարդացուեցան ուղերձներ նաեւ՝ Հ. Նախիջևանի, Շու-
շուայ եւ Երեւանի թեմ. Դպրոցների կողմից, Գեր. Արիստա-
կէս, Մակար եւ Խորէն եպիսկոպոսների կողմից, նախկին սա-
ների, Թիֆլիսի Հայոց հրատ. ընկերութեան, «Բանասէր»-ի,
«Մշակ»ի եւ «Տարագի» խմբագրութեանց, Ռաշտի հայուհեաց
բարեգ. ընկերութեան կողմից եւ հեռագրական շնորհաւորու-
թիւններ Ներսիսեան Դպրոցի հեռավոր եւ մերձավոր նախկին
սաների կողմից:

Բայց այդ բոլորի մէջ առանձին կերպով աչքի ընկաւ
Բագուում գտնուող նախկին սաների մի խմբի կողմից պատգա-
մաւոր ուղարկուած պ. Ա. Բալայեանի սրտառուչ ճառը,
որ ընդունուեց անվերջ ծափահարութիւններով: Ցաւում ենք
որ չյաջողեց մեզ ամբողջութեամբ մէջ բերել այդ ի խորոց
սրտէ՛, արտասանուած ճառը այստեղ, նկատենք միայն, որ պ.
Բալայեանը իւր պատգամաւորութեամբ պատիւ բերեց Ներս.
Դպրոցի Բագուի սաներին:

Հանդիսի վերջը աւարտող եւ յառաջագէտ աշակերտները
ստացան մրցանակներ: Դպրոցի սաներից ոմանք եւ Հրատ.
ընկերութիւնը իրանց աշխատութիւններից բաժին էին հանել
ուսումնաբանին: Նրգեցիկ խումբը մէջ ընդ մէջ երգում էր
պատշաճաւոր երգեր: Իսկ հանդէսը փակեց ս. Առաջնորդը
Հայր մեր-ով:

Հանդէսը լաւ տպաւորութիւն գործեց հանդիսականներին վերայ. բայց չմոռանանք նկատել, որ հանդիսին մասնակցեց Դպրոցի նախկին սաներից շատ չնչին մասը.— զարմանալի ապերախութիւն:

Ս. ՄԱՆԴԻՆԵԱՆ

Տարւոյս փետրուարի 26-ին ս. Էջմիածնում Մայր Աթոռի հոգևոր ձեմարանի ուսուցչական խումբը ընտանեկան կերպով տօնեց հայոց մանկավարժութեան պապ Սեդրաք Մանդինեանցի գործունէութեան քսան և հինգամեակը. այդ տօնը միևնոյն ժամանակ և մի հրաժեշտի տօն էլ, որովհետև ոչ Մանդինեանը հեռանալով մանկավարժական ասպարէզից՝ գնում էր արտասահման խանգարուած առողջութիւնը վերականգնելու նպատակով:

Պ. Մանդինեանը գործել է մեր մէջ որպէս մանկավարժ, երկար տարիներ վարելով տեսչութեան և ուսուցչական պաշտօններ Ներսիսեան հոգևոր Դպրոցում և ուսուցչութիւն ս. Էջմիածնի հոգևոր ձեմարանում, որպէս հեղինակ բազմաթիւ դասագրքերի հայ ուսուցիչների և ուսումնարանների համար, և վերջապէս որպէս աշխատակից հայ թերթերին. նորա մանկավարժական ընտիր յօդուածները ապուել են «Փորձ», «Վարժարան», «Արարատ» ամսագիրների և «Լումայ» հանդիսի մէջ և շատերն էլ առանձին գրքոյկներով:

Յօրելեանի հանդիսին կարդացուել է Ազգիս Վեհ. Հայրապետի սրբատառ կոնդակը, որով օրհնում է նորա բեղմնաւոր գործունէութիւնը և խոստանումէ ապագային չմոռանալ նորան:— Ներսիսեան հոգևոր Դպրոցի հոգաբարձութիւնը շնորհաւորելով 25-ամեակը՝ նուիրեց 600 ուրբլի, այսպէս էլ բազմաթիւ շնորհաւորականներ էին ստացուած ձեմարանի և բոլոր հոգևոր Դպրոցների ուսուցչական խմբերից, հայ թերթերի խմբագրութիւններից և նորա բազմաթիւ աշակերտներից ու մասնաւոր անձերի կողմից:

«Լումայ»-ի խմբագրութիւնը ևս իւր կողմից ս. Էջմիածին հետևեալ հեռագիրը ուղղեց. «Խմբագրութիւնս բաղտ ունի շնորհաւորել տաղանդաւոր մանկավարժիդ 25-ամեայ արդիւնաւոր գործունէութիւնը»: